


# Khiuno Khristo Ghumikea?



*Akumzapu Kuchouqo  
Kiphi Kichekutsu*

15



**Khiu** ... momu kiu ... no Khristo ghumikea? Alhokusa lojimi-momu kusakughami luthu lakhi ipi. Hamino pikeuno paye ighinikeu lono ipeghini apho ipicheni. Hamino pikeuno paye khaghi Rommi tsala ghulokiuno ipeghiveake ipi cheni. Ikemu Baibel no kichetsu akeuno paye ishi xu ani, eno mla ani. Tungkuputsa lo pi akeuno Khristo ghumi kuka hipauno ayeghi xu-lhe kikishekha lo akumla akhoto eno ashekhau mlanikeu kichetsu ani. Paye khiu keno noye ithi anima? Noye kuchouno pa ithianima? Paye khiu eno kiukeno pa ghili ithimaye saputsa. Nono ishino alhokusa kumla kuka hipau ghili ithimovenapi aye pano ashekha tsalaqo lo shi ipeghiniye akeu kumlaqo ghili ghi noye vethamlave nani. Hi kichetsu akeu kiphicho lono tughou shi kusupuachekeu ghili phijunike kutolulo.

Akiphi kichetsu akeu hipau ye Danel akiyehqo 7 no aboqha shi ani, eno hipau lono Khristo ghumi michiphetsu ani. Ikemu ishi akiphi hipau loye pa ghili kilethisutsukeu likhike. Ighinikeu kiphicho lono pa ghili, pa kumlaqo eno pano kishi ayeghiqha sunhepe anikeno tipaqo ghili phini. Nono ishi pa ghili kiu philukeuno tipau no oloshipusuve momu omulosave luvi, ikemu hi kumsululo, Danel tungkuputsa ye Jisu Khiu okimiye chekeu launo ighi anike. Nono akhoto kipi hipau phi akeulo akiqiqo akivishi vethalu penike ghenguno Alhou vilo vethakulu kuka khulo. Nono akiphi hipau phithumphi zuuno Danel akiyehdo 7 lo kiu kiu pipuanikeno tipaqo ghili paghi phijulo.



1

**Akiyehdo 7 lo pipuakeuno, Danel no azughi lono tughashi bidi ipeghikeu ithulu. Tungkuputsa lo tughashi kiqi eno azughi kiqi ye kiu kea?**

*“Tughashi abidiye ye ayeghiqha lo akukaqha abidiuke” (Danel 7:23). “Azughi kiqiye timiqo, aqokitikhiqo, shiyehqo, eno amilijeliqo kiqike” (Piyekusu 17:15).*

**Khokichile:** Tughashi lakhi kiqi ye shiyeh lakhi kiqi ke. Azu kiqi ye timi aqokitikhiqo, timi lhoux kikihi kumzapu akeu kiqike.

**2**

**Danel 7** lo tughashi bidiqo ye ayeghiqha lo akukaqha bidiqo kiqike (**Danel 7:17, 18**). Babylon no akukaqha atighiu (**Danel 2:38, 39**). Hipau pesu **Danel 7:4** lo abongushuu kiqitsu ani. (**Jeremiya 4:7; 50:17; 43, 44 lo phijulo**) Alhuqu chishibo kiqi ye kiu kea? ajo **2** lo “achishibo bidi” puakeu kiqiye kiukea?

“Ampeu no ashiayeh lakhi sasū ighieno oghochilepe nani ... tipauno alhuqu no yeu chekeu kumthu toi ye ighinani” (**Zahkiniu 28:49**). “Aqokithiqo Mpeu no pi ani, ... hitoi ayeghi aqha hami lo miyitsutsu kije fukichighi ipeghinani, eno ... Ampeu no ghqhivekemiqo kithi sukumo huno ayeghi cheku lakhi lono wo lakhi kutolo chhivenani” (**Jeremiya 25:32, 33**).



**Khokichile:** Alhuqu chishibo kiqi ye akumthu kiqike. (**Jeremiya 4:13; Habakuk 1:6-8 loghi julo**) Amulhu kiqiye kichighimutokeu, ithoighoikeu eno kutsakungovekeu kiqike (**Piyekusu 7:1-3 loghi julo**)

**3**

**Danel 7:5** lo tughashi ava pesu kiu kukaqha kiqitsukea? Akuchughi kuthu pahuno mikipe akeu ye kiu kiqi kea?

**Khokichile:** **Danel 8** lo ghi philo, **Danel 8** lo tughashi tsupuakeu ngo **Danel 7** lo tsupuakeu aphihipishi anike. **Danel 8:20** lo Medo-Persia thiu anetsu kukaqha ipeghi ipi, eno tiye Greece kukaqhake. **Ajo 21** lo akeuno Medo-Persia no ayeghiqha lo akukaqha akiniu, tipauye Danel 7 lo ava kuka tho. **Danel 7:5** lo ava ye aqha kutauno ipeghi ipi akeu pesu Medes mino atighishi ipeghikeu kiqitsu ani. Persiami ye athiuno ighikemu ighono akumtoshi ipeghi. **Danel 8:3** lo bheritsu kibo akiniu ye chugumughai pu akeu pesu Persia kiqitsu ani. Ava baxa lo akuchughi thi kuthu mikipe akeu kiqiye Medo-Persia no akhoto kukaqha Lydia, Babylon, eno Egypt leluvekeu kiqitsu ani.



# 4

Greece, akukaqha akuthuu (Danel 8:21), pesu alhongushuu (leopard) achishibo bidi shopu eno akutsu bidi pu akeu tughashi kiqitsu ani (Danel 7:6) Achishibo bidi eno akutsu bidi pesu kiu kiqitsukea?

**Khokichile:** (Abongushuu no achishibo kini pukeutoi) kumo puzu hipau ye achishibo bidi pu, eno hipau kiqiye Greece mi Alexander no ado ikholhoi dolono paikhavi ayeghi aqha kutomo leluvekeu kiqitsu (Jeremiya 4:11-13). Akutsu bidi kiqiye Alexander thiveke thi pu pa w ghushimi general bidi no pa kukaqha kikije bidi shiveno kijeluvekeu kiqi. Pa kukaqha kikije bidi shive puzu general Cassander, Lysimachus, Ptolemy, eno Seleucus noqono kijeluve.



# 5

Akukaqha abidiu Rommi kukaqha ye akukakughushu kukau Raigos (monster) ayi pesu ahu shipu eno akibo chighi pukeu tughashi kiqitsu (Danel 7:7). Akiboqo kiqiye kiukea?

**Khokichile:** Akibo chighi kiqiye Rommi kukaqha hu kikije chighi (10) shi kijetha ipeghivekeu kiqi (Danel 7:24). Akibo chighi ye Danel 2:41-44 lo ajulho akijeu lo apukhuloti 10 kiqi sasu aphiphi. Mbomuzumi lagha kupokichemiqono Rommi kukaqha le iloghieno pututa shelo ayeghi kijethaluve. Tipaqo ghola shiyeh 7 ye itehi Europe kulola kidiu pututa shiye puthuluvono kughuna ani, ikemu shiyeh kuthu ye kutsale khave tipaqo ye akuhu lono nhuve, eno itehiye alagha momu shiye tipaqo mheghi ye ayeghi hipau lo kuhave. Ighinikeu kiphi lono hi alagha kuthu akuhu lono nhuvekeu ghili kuputsani.




| Jishomi (Alhou ghili kumthami) kukaqha hu kikije chighi (10) shive. Tipaqo ye |             |
|---|-------------|
| VISIGOTHS   | Spain       |
| ANGLO SAXON   | England     |
| FRANKS  | France      |
| ALEMANNI  | Germany     |
| BURGUNDIANS   | Switzerland |
| LOMBARDS  | Italy       |
| SUEVI   | Portugal    |
| HERULI  | Nhuvea      |
| OSTROGOTHS  | Nhuvea      |
| VANDALS   | Nhuvea      |

## 6

## Danel 7 lo hipau thiu kiu shi ipeghikea?

“Ino akiboqo jua, eno tile akibo kutau aghulo lakhi ti chighiqo dolono ipeghi, ti akibo aghulou zulo akibo kuthu ye akuhu lono nhuve, eno tipano kuthu a lono akibo aghulo ipeghikeu lo timi nthethi pu ani eno aqhekuza tsa piqhikulupu baxa lakhi puani”

(Danel 7:8).



**Khokichile:** “Akibo aghulou” kuka tipauye athiuno ipeghi. Ninguno akibo aghulou ghili akivishi phujuni, kughengu Baibel tungkuputsa lo eno xu-lhe lo hipauno Khristo ghumike ipi kimchi puatsu anike ghenguno.

## 7


## Baibel ye mutsumishei Khristo ghumi kimchipevetsua keshea?

Iye. **Danel 7** lo Alhou tsa lono Khristo ghumi ghushoghili toku kimchipe tsukeu ani.

Hipauye mutsumishei kimchipevetsuake. Hipau ghili phiLuklo hamiye pano mulo tutushive luvi, ikemu ninguye hipau lo amikuchio lono eno Alhou kupulo lono piyetsutsu keuke ipi ikhilo ani. Ningu kichekipiyesu tokuqo phujuni:

**Khokichile:**

- A. Akibo aghulou ye akibo chighiqo dolono ipeghi- tiye akibo chighi khikhi itehi Europe kulolau akeu kukaqhaqo dolono ipeghike (Danel 7:8). Tighenguno akibo aghulou hipau ghi Europe kulolau akukaqha kitila lakhi shi ani.
- B. Hipau lo timi lakhi no akutsu shi ani, pano hipau ghenguno pitsu acheni (Danel 7:8).
- C. Hipau no akukaqha kuthu akuhu lono nhuve (Danel 7:8).
- D. Hipauye akukaqha chighiqo launo pakuta (Danel 7: 24)
- E. Hipauno akimithemiqo sasuu aghushi eno panongu shikighime (Danel 7:21, 25).
- F. Hipau ye Alhou kumthami kukaqha (Pagan Rommian Empire) khikhi akukaqha abidiu launo ipeghikeuke (Danel 7:7, 8).
- G. Alhou timi (akimithemiqo) pesu pa wu lo ado lakhi, eno adoqo eno ado tuxa suvetsu (Danel 7:25).
- H. Hipauno Alhou ghokichiletsa momu akuthatsa kije piqhi (Danel 7:25 KJV). Piyekusu 13:5 lo Baibel no pi akeuno akuka hipauno “thime kijeje piqhi eno akuthatsa piqhi”
- I. Hipauno “ado eno ayezha kilivenike kumsu” (Danel 7:25).




**Hi kumsuma kevalo** - hi kimchitsukeu kichekutsu kumtsu vejoi Baibel lono pikeuke. Hipaço ye timi kukumusu momu timi no kiqujuke kumoke. Hipau ye kiu kuka keno xu-lhe no ovilo pitsunani, kughengu kichekutsu hipaço kumtsu akuka lakhi shou likhi pipuku ani. eno tiye pope wu hiyam pi anike. Ninguno hipau ghili mutsuqhei ithivenike ghenguno ningu kichePiyekusu akeu lakhikhino phujuni. Hile kiumu lipi akepu kuha.



## Pope w hiyam ye kichekutsu hipaço lo tsupuakeu achipi lo shi aghikeshea?

**Khokichile:** Iye. kichekutsu kumtsu lo pa kumla shi aghiveke.

- A. Hipauye Europe kulolau akukaqha 10 dolono ipeghikeuke.** Ayeghi ghili phuiko (geography) kiqi lo pope w hiyam ye Rommi Italy lo ani.
- B. Hipau shou timi lakhino akutsu shi ani,** eno hipau ghenguno pitsu acheni Kimchitsukeu michipu hipauye pope wu hiyam shikuzu, kughengu timi lakhi-pope no hipau shou akutsu shi ani eno pano hipau ghenguno pitsu achenike.
- C. Pope w hiyam puthunike ghenguno akukaqha kuthu akuhu lono nhuve Europe kulolau kukamiqo ye akichiuno Catholic eno pope w hiyam saphukemi likhi.** Arian kukaqha kuthu-Vandals, Herulu eno Ostrogoths ye ithughimlave Tighenguno Catholic kukamiqo no panongu theghiveni momu kutsaveni ipi xathave. Hile Alhou ghili kiphimi (Theology) eno xu-lhe kiyehmi (Historian) Dr, Mervyn Maxwell no pa w kaku God Cares ipikeu volume 1, page 129 lo pi akeuno AD. 474 -491) dolo akukau Zeno no AD. 487 lono visho (treaty) lakhi shi, eno AD. 493 loye Arian mi Heruli kuka qhasuluve eno AD. 527-565 lono Catholic mi akukau Justinian no Arian mi Vandals qo AD. 534 lono hasuve eno ashekhau shi AD. 538 loye Ostrogoths qo hasuve. Titoi Danel tungkuputsa lo akibo kuthu-Heruli, Vandals, eno Ostrogoths ye “akuhu lono nhuvenani” ipi puakeu tsa hu shikupuve Tighenguno kichekutsu hipauye pope w hiyam shikuzupuke ipi mlaiei ithive ani.



**D. Hipauye akukaqha kutauqo nguno palutakeu lakhike.**

Hi hepho piyesutsu akeu ghi pope w hiyam shikuzupu shi ani. Hipauye ayeghi lo mijekula kumla kumo puzu Achine kuka lakhi shi ithughi ani. Tihenguno hipauye akukaqha 10 khikhi mijekula kukaqha launo pakutakeu lakhike.

**E. Hipauno akimkithemiqo sasu aghushinani eno shikighimenani ipi puakeu hu kuchouno kumtsu kighithike.** Pope wu hiyam ghi iye, tishike ipi ikhilu ani, xu-lhe kiyehmino pikeuno akukuhou no Achine tsa ghenguno timi million Ihopungu kutolo kuxu kutsavetsu ipi. Ninguno alaghi kivi launo hipau yehphelu ani

1. Tiye Rommi kukuhou no akiphiki kutamiqo nguno alau akipimi kuhakemi kutomo jih pelevetsu eno xu ighikelo hitoikeu khiunomu shi ighi puamphi. Xu ghililo kuxu kimhekeu kighithimi Protestantmi khiunomu hitoikeu inju ighimphi. <sup>7</sup>
2. Spain wu phujukeu xulhe lo D. Ivan Antonio Llorente no hi shikighime keu ghili tsupuakeuno Spanish inquisition lo likhino timi 31,912 akipimi tsupuzu pesu ami mili lono ghimeve, eno timi 241,450 akipimi tsupuzu axine lono xaide ighipenkeu ghime kitikhi tsu.



**Kutokughoikepu tsa eno alokumsupu tsa**

Hi akibo aghulou kimchitsu akeu tsa lo akusami Khristomi haleve momu le anikepi khiu pelonomu kumsupenishi amokemu hi kumsulupenishi ani. Tungkuputsa lo pi akeuye timi luthu lakhi shou pipukukeu kumo, ikemu akukuhayeh shou pipuku anike. Tilehi Khristo kukuhou kumtsu lo amikuchomi eno amulokutsumi Khristomi kutomo aniputsake. Tile Catholic kukuhou lo ghi titoikemi aniputsa ke. **Danel 7** lo tsupuakeuye akukuhou no ayehkumthami momu Kuchou Lhou ghili kumthami chineh kukuhayeh sasu kupulokilevekeu shikithetsukeu tsape tsu ani, eno kughathabevenikeu kutughutsu akeuke. Catholic kukuhou lau likhi kumono Khristo kukuhou kutamiqo lau ghi titoikeu kukuhayeh pape chekeu launo xaidesu Kuchou Lhou kumlla lo ighivepenike ku ani.

**Tungkuputsa lono akupulu jeli kumtsu lo pimi akeu kichephe Piyekusutsu ani.**

Tungkuputsa lono Protestants miqo kipimi eno Judahmiqo kupulu kichephetsu ani. Achine kumtsu lo kuchouno Alhou timi puluthomiqo ani. Pa wu timi kuchomiqo ye panonguno kiu kiutoikeu kupulu lo cheghie pinamu Ampeu no kiu shikithetsu keno ti ikhilu cheni kethono shikithetsukeu launo pano kini kugholuve chemo momu pano mulo tsumoveno Pa gholumo vekeu shichemo. Alhou shikimithi, Paye alaghi thokha kumtsu lo khiu gimo jumono amikucho lono Pa tsa pesu kumtsu lau kutsupiyetsu achenike.



**F. Hipau ye ayikukaqha abidiu launo ipeghike. Tiye Alhou ghili kumthami Rommi kukaqha launo ipeghikleuke.** Kichekipiye hipauye ayehkipekuka (authority) 2 lono yehpheluani.

1. “Akughushu Catholic kukuhou hipauye Rommian Empire nguno akitilau launo baptiz shi ipeghi ... eno Rommian Empire oking (capital) hu pesu Catholic Khristomi oking shiluve. Pontifex Maximus hu tishi pope no peithaluve.”<sup>2</sup>
2. “Rommi lo Barbarianmi eno Arians miqono thime kiu ghivekeno tikumtsu Rommi lo bishop sukusho qholo qhiluve. Kughengu Rommi phughi lo kukamiqo ipeghimove kethiuye pano atou timi lakhi shiluvekeu lono ... Rommi kukuhou no likutoshi Rommi kukaqha lakhu lo iku ngoluve, eno tipau shou ayehe thuve.”<sup>3</sup>

**G. Alhou timi (akimithemiqo) pesu “pa wu lo ado lakhi, adoqo, eno ado tuxa suvetsu”** Hile thime hami mutsumishei shitsumaye sakepu ani.

1. Tungkuputsa lo Time- ado lakhi ipiaye ampe lakhi, adoqo ipi akeuye “ampe kini, eno ado tuxa” ipi akeuye ampe tuxa momu aqhi tsugho ipi ani. <sup>4</sup>
2. Ado hitoikeu Danel eno Piyekusu kaku lo ghuthu tsuni tsupuani (**Danel 7:25; 12:7; Piyekusu 11:2, 3; 12:6, 14; eno 13:5**). Ado, adoqo, eno ado tuxa ipikeu ghuthu kuthu tsupuani. Aqhi 42 ipikeu ghuthu kini tsupuani eno atsala 1,260 ipikeu ghuthu kini tsupuani. Judahmi tsalaphi kiqi lono aqhi lakhi lo atsala 30 lono ado hipaqa kichi ani. Ampe kuthu tuxa ye aqhi 42 sasu aqhemi, tiye atsala 1,260.
3. Tungkuputsa lo atsala lakhi ye ampe lakhi qhemi (**Akikihi 14:34; Ezekel 4:6**).
4. Titoi akibo aghulou (Khristo ghumi) no akimithemiqo shou tungkuputsala 1,260 akuka peitha.
5. Pope w hiyam ye AD. 538 lo Arians mi kukaqha kuthuqo ashekhau hasuvetsukeu mpe nguno huthu, eno iphi AD. 1798 mpelo Napoleon w general Berthier no pope kughape akughu lo suvekeu lono pope wu hiyam eno mijekula kuka pechekeu kinikujo ashekhashive. Tungkuputsa lo adoaghuloki atsala momu ampe 1,260 pesu akibo aghulou w lo supuatsukeu hu achipi lono shikupuve. Hitoi shivekeu lono pope w hiyam hu akithipushi izave, ikemu aghuza zaku hu itaghi viluve eno ishi kutolo pa zaku tipau hu shipivi aphi.
6. Hi shikighimenikeu do aghuloki **Mathi 24:21** lo tsupuani. Alhou timiqo no pujushijunikeu ghichheghime kitiki ashekhau. Ajo 22 lo pi akeuno, “Tsutsala Alhou no ado hipau kughukhotsu move nikeloye tile aghungu lakhimu xu aghimoveniche. Tighenguno Alhou no ado tipau hu kughukhovetsu. AD. 1798 lo pope kughalumphu zuu Ado kushuwa lono aghichhe aghime kutsu hu tave. Titoi shikighimekeu ghi pope w hiyam nguku kuzupu shive.

**Tungkuputsa lo**

Ado 1 = ampe 1,

Ado 2 = ampe 2,

Ado tuxa = ampe tuxa momu aqhi 6



## H. Hipauno aqhekuza tsa Alhou ghochilekeu momu akuthatsa piqhinani. Akuthatsa piqhikeu hipau Kuchoyehsu lo kimichitsukeu 2 ani.

1. Akipimi qhitsu lunani ipi pukhakeu (Luk 5:21).
2. Alhou ke ipi pukhakeu (Johan 10:33).



Kichekutsu hipau ye pope wu hiyam nguku kuzupu shi anima? Iye. Ninguno atighishi paye axine kipimi qhivetsukulupu kuka aniepi pukhakeu juni. Atsa hipau ye pano likhi pano wu kaku lono yehphelu ani. "Achine mi lakhiye axine kipimi qhivetsu, momu qhivetsua ipi pephe piyetsu mlananikeshea? "Achine mi lakhi ye kuchouno axine kipimi qhivetsu nani, Khristo no akuka pa tsupaqueu kiqi lono"<sup>5</sup>Pope wu hiyam lono alau pi eno mlachekeu no axine piphe chekeu ghola ye ayeghi lo Achinemigo vilo piphelunikeu shitsu. Hitoi ni Chineh Tou Khristo heche vecheve ani (Ibrimi 3:1; 8:1, 2). Eno ni wu lapuu Jisu vecheve ani (1 Timothy 2:5).<sup>7</sup> Itaghi paye Alhou ke ipi pukhakeu ghi ani, "Ningu (pope noqo) ye ayeghi hipau lo akughushu Lhou a lo ngoanike" ipi cheni. Itaghi kutau kimichitsukeu ghi ani, "Pope ye Jisu Khristo zuqhu shitsukeu likhikumo, ikemu pano Jisu Khristo ke, pakutoshi ashi pesu kuzunhapu anike" ipi.<sup>7</sup>

- I. Hipau no adoqo eno ayehza kilivenike kumsu. Ighinikeu lo ningu khipi kichekutsu lo ninguno "ado" ipi kichepuatsukeu lo phinani. Hipau tsa ye ighono akhoto lakhike. Ningu ye hipau ghili ithikututa sbimayesakepu ighono akhoto shi ani. Ayehza kilive ipikeu ye kiukea? Amplified Baibel ipikeu lo pekilipuakeuno "Ayehza" ye "ayehza" toike. Hipau ye Alhou yehza kilivetsukeu pi ani. Kuchou pinikeu loye khiunomu Alhou yehza kilimla. Ikemu pope wu hiyam ye Alhou yehza kilivetsunike kumsukeshea? Khokichile ye lye, pano w kaku yehkiphe lo, pope wu hiyam no Alhou zahkutsu akiniu lo (image) ajulho mlla kevalo ipikeu ikhive, eno ahzakutsu abidiu lo tsa pekughu khovetsu (Nono okutoshi Catholic catechism ikhipesu Alhou no ahzakutsu 10 tsupua keu **Ipekulu 20:2-17** kimighijulo.

Tile kiumu lipikeu kuhano akibo aghulou kuka pe akeu Khristo ghumi ye **Danel 7** lo pipuakeu toi pope wu hiyam ke. Point hipaquo ye organization kutau loye kiumo phulumonani. Hipau ghili ye ishino akitheshi kutsu anike kumo, khaghino Protestant Reformers qono pope wu hiyam no Khristo ghumike ipi pi ighivea, eno kutsu ighivea.<sup>8</sup>

<sup>1</sup> W.E.H. Lckey, *History of the rise and influence of the spirit of Rationalism in Europe* Volume 2, page 2, 40)

<sup>2</sup> Alexander Clarence Flick, *The rise of the Mediaeval Church*, 148, 149.

<sup>3</sup> Adolf Hamack, *What is Christianity?* (New York: second edition, revised, 1901) 269, 270.

<sup>4</sup> *Amplified Bible*, La Hbra, CA. The Lockman Foundation, 2015.

<sup>5</sup> Joseph Deharbe, S.J. *A Complete Catechism of the Catholic Religion* (New York: Schwartz, Kirwin & Fauss, 1912) 279.

<sup>6</sup> Pope Leo xiii, *Encyclical Letter The Reunion of the Christendom*"

(dated June 20, 1894) trans, in the *Great Encyclical Letters of pope Leo xiii* (New York: Benziger, 1903) 304.

<sup>7</sup> *Catholic National*, July 1895.

<sup>8</sup> R. Allan Anderson, *Unfolding the Revelation*, 137.

Baibel no pi akeuno Khristo ghumi no Alhou yehza kilivenike kumsu.



9

Danel vilo aghuloki ashekha shimoke kutolo pa wu kaku amichipu chishidape qhivelo ipikeshea (Danel 12:4)? Danel tungkuputsa ningu pelo vethalupenike ghenguno kughouno khaqhitsu niepi kea?

**Khokichile: Danel 12:4** lono tungkupuu vilo “aghuloki ashekha kutolo kaku amichipu chishidape qhivelo” ipi. **Ajo 6** lo kungumi sutsa lono inju akeuno, “Akichiqikepu hipaqoye ado khitohi lono shikupunani kea?” **Ajo 7** lono pi akeuno, “hipauye ado lakhi adoqoye eno ado tuxa lunani” Kungumino Danel vilo kuchou pitsukeuno kaku kokutha hami lo tungkuputsa lo ashekha do aghuloki ghili tsupuakeuye ampe 1,260 khikhi pope yehkipe no qhasupe akeu kisekhaweke thiuno huthunikeu pipuani. Hipau ghili ninguno wovekeulo akiphi kichekutsu lono philuvea, tiye AD. 1798 thiuno ashekha ghuloki huthunikeu ghili. Tighenguno ashekha do aghuloki huthunikeuye 1798 thiuno huthuvea. Ninguno ithuluvekeu toi, Danel kaku lo akhoto tsape kungugha launo tsupuakeu ye ishi ningu ghenguno tsupuani, tighenguno ninguye hipau ghili vethalumaye saputsake.



10

Hi Khristo ghumi ghili ishi Khristomi kutomo lau pipimi puani. Khristo ghumi ghili kuchou kumokeu pesu pikeu puluvekeu lono timi lakhi pishiqhive ani. Baibel lo kukutsuke ipi akithe ighikelo timi lakhi ye kishi tipau sasu kupughumaye sakea?

“Hipaqono Thessalonica lomiqo nguno alau akukumusu mutsumishei pukemi shi ani., tiye panongu no atsa kiu chilukeno ti ikhilunike kutokithilu, ikemu thime hipaqo ye kuchou keo mokeno tsala pekighi lo Kuchoyehsu lo phju” (Apostolmi 17:11).



**Khokichile:** Kughou Baibel lo kukutsu kitheke ipi kutsu ighikeu sasu kupughunikenno, tile kiu chilukeno tipau pesu Kuchoyehsu sasu kimighijulo, tsutsala tipaqo ye Alhou tsa sasu aphihi shi aghikeu mokeu ithinike ghenguno.



# 11

Ighono kushokutsupu shi aghie pinamu Jisu no khilau sasu wunikeno tilau Pa papesu wunike noye pulo anima?

## Nono khochilenikeu:

### Ashekha lo akukumsu tsukeu

Danel eno Piyekusu kakuqo lo Baibel lo tungkuputsa akhoto kutomo tsupuaqeqo hi akumzapu kuchouqo kiphi kichekutsu lono pephe puatsu ani. Alhou no tungkuputsa hipaqo pesu:

- A. Ayeghiqha lau ashekha tsalaqo lo shi ipeghinikeu ghili Piyekusutsu ani
- B. Jisu ngo Satan pama dolo ashekha ghushi lo ilonikemi kimichitsu ani
- C. Ningu pishiqhive eno kutsavenike ghenguno Satan no amuqu lhokusa kitomo shi akeu ghili mutsumishei Piyekusutsu ani
- D. Kughathabenikeu tsala ighiniye akeulo kikimiye eno sukusho tsunikeu pephetsu ani. Tile Alhou kimithemiqo ye xapheluve nani
- E. Tile Jisu suqhenani-Pa wu xachilekulu, Pa kikimiye, Pa kuka, Pa kukupu, eno Pa mikucho Xakuthami suqhenani.

### Aghushi tipau lo ilo chhosunikemi kumzapu ipeghinani.

Tungkuputsa hipau Jisu ngo Satan pama dolo ashekha shi kupuna kelo ilo chhosunikemi kutomo ipeghivenani. Tipau lo ilo chhosunikemiye Jisu, Satan, United States, Pope w hiyam, Protestants, eno aghunguqo sasu kusutsachekeu (spiritism) hipaqono ilo chhosu nani. Jisu no tungkupumiyo tsape pesu tamono kikimiye ghili eno susholuvani keu ghili pesu kutughutsu kelo tile timiqo dolo mutsumishei eno mutsuqhei axiala michi ipeghivenani.

# Nono Iniju Keu Khochiletsu Ani

## 1. Khristo ghumi ye aqoaho kumono luthu lakhi ke ipi niye kumsu achenike tiye pimi anikeshea?

**Khokichile:** Hi akiphi kichekutsu lono pivekeu toi, hi Khristo ghumi ye aqoahoke, eno tiye pa w hiyam ke. Tishi aghie pinamu **Danel 7:8** lo akibo aghulou ye timi lakhi nhethi pu ani” ipi akeu ye sakiphe mi lakhi kiche puani.

**Piyekusu 13:18** lo pi akeuno timi lakhi jeh kikihi pecheghikeu pi ani. Danel 8 lo Greece pesu anetsu eno tipau lo sakipheu Alexander akijeu pesu akibo lakhi kiquitsu ani. Titoi Khristo ghumi ipi akeu ghi kuchouno titoike. Aqoaho tipau ye pope wu hiyam ke, pope no hiyam tipau lo zuqhushi mla ani. Danel 7 lo pi akeuye pope ye alhokusake eno Catholic miqo ye Khristomi kumoke ipi amoe. Tile Catholic kukuhou lo kimiye kinimi Khristomi kutomo ani, ikemu pano kukhuayeh kikitithi ghola huno Khristo ghumi kumla shive aghike, kughengu tipauno Khristo yehkipe suxa eno Pa yehza kilivetsu keu ghenguno Khristo ghumike ipi anike.

## 2. Khristomiqo ye Khristo chineh yehza pesu anguka shikeuye tiye alokutsu kumlake pi noye kumsu anikeshea?

**Khokichile:** Moe. Baibel lono hipau ghili mtsuqhei pitsu akeuno, timi lakhi ye pa kukumus u kiqi lono ililai kishelukepu chipiu tsupuani (**Joshuah 24:15**) tsutsala panonguno Alhou kishelumove kepushi aghiepinamu. Titoi, Alhou ye Adam ngo Eve pama pelo pama kutoshi kishelupenikeu pulotsu. Tsutsala tishikeu lono Pa eno pa kuma ghuzavekepu shi aghie pinamu kishekulu ye ililai qhitsu ke. Anguka lono Pa mlla keuye Alhou ye ikhiluchemo. Ikemu Alhou laghi ye kimiyekeu lono mlla keu avehu shi ani. Xu-lhe lo ithulu akeu no akukuhou no ayezha tsughasu puzu anguka lono pulupe, tishimaye shikighime eno kutsavekeu ithulu ani. Akiphi (Lesson) hipaqoye akuzu tiqheliquo lo akibo aghulou xu-lhe lono ithulu ani.

## 3. Ino vethapimi aghiluvu, ikemu alhokuthu lno kumsu chekeuye Khristo ghumi ye alhokusami lakhi, khiu pekipheshi Alhou ghochile kemike kumokeshea?

**Khokichile:** Ninguno “anti” ipikeu pesu ghumi momu ghochileku ipi peitha cheni. Hipau pesu “tipau a lo” momu “tipau zuqhulo” ipikeu lo ghi peitha cheni. Khristo ghumi (antichrist) no pimi akeu ye akhotono Alhou no pechekeu kuka suxakeu pi ani. Khristo ghumi no khu akeuye:

- A. Achine-ayehkulu lo Achinemi no akipimi qhivetsulu nani ipi. Ikemu akipimi qhikutsu ye Alhou likhino qhitsu lunani (**Luk 5:21**).
- B. Alhou zakutsu pekilivetsu. Ahzakutsu akiniu lo ajulho (image) mlla kevilu ipikeu ikhivetsu, Ahzakutsu abiduu lo akumikla tsala kilivetsu, eno ahzakutsu achighiu pesu kikije kini shivetsu, ikemu Alhou yehza ye kilivemla (**Mathi 5:18**).
- C. Pope ye ayeghi lo alhou lakhike ipi

### Satan w abolho kupughu

Satan w abolho kupughu ye Alhou lakhu (position) eno Pa yehkipekuka (authority) suxa. Pa kimiji ye Alhou ikhiqhivenu pano Alhou a lo ngono ayeppenikeu shi (akiphi kicheki Piyekusu 2 lo julio) Kungugha launo pa hapheve, tishimu pa kimiji ye itehi kuto xapu aphi. Itaghi peithanikeu kimiji lo aphi. Tiqheli kumtsu lo pano hipau peitha ighi ani. Timi jeli kutomo pesu pa ghinimi shipuzu timiqo pelo Alhou gholumovepeno pano timiqo shou Alhou lakhu lo ngonikeu kupughu shi ighi ani.



## **Khristo ghumi ye Aghungu lo kumla lakhi shieno pephe ipeghinani**

Ashekha tsalaqo lo Satan no Alhou ikhiqhive puzu timiqo pishiqhiveno Khristo ghumi pape wuvepenike kutonani. Pa ye aghungu lo akimithemi lakhi toi shieno ighinani. Danel eno Piyekusu lo tungkuputsa lo akhoto ye Satan no timiqo pishiqhipe Xachilekuluu Jisu launo iqesu pa lau ighivepenani.

## **Khristo ghumino timi kutomo pishiqhiluve nani**

**(Piyekusu 13:3)** tile timiqo ye tipau ghili mtha puzu panongiuye Jisu Khristo pape chenike ipi kumsunani, tile kishekiphemiqo likkhi xalunani **(Mathi 24:23, 24)** Kughengu panongu ye aghungu lo kukutsu kumtsu pesu Kuchoyehsu lo kimighi juveno khikhino kuchoukeno tilikhi pape ighiveake ghenguno. **(Isaya 8:20)** Achine lo pishiqiqhi kumla ye aqha kumtsu lo ani. Ningu ye hipaqa lo kughuchokughulaive kepu kumo.

### **4. 1 Johan 2:18-22 lo, tile Khristo ghumi kutomo ipeghinani ipi Baibel no pipuanike kumokeshea?**

**Khokichile:** Iye. Xu-lhe vechewono ithulu akeuno, tile Khristo ghumi kutomo ipeghieno Alhou kukhaqha ghochilekeu kumla shi ighikeu ithulu ani. Tishi aghiepinamu tile tungkuputsa lo pipuakeu no Khristo ghumi lakhi likhino tungkuputsa lo pipuakeu shikupunani. **Danel 7 eno 8, eno Piyekusu 13** lo Khristo ghumi kichetsukeu ghuthu 10 kutolo ithulunani, eno hi 10 kumtsu lo pope wu hiyam no shikupukeu ithulu ani.

### **5. Tungkuputsa lo tughashi ipi kiqitsu akeuye tughashi ghushoghili toikeu pi anikeshta?**

**Khokichile:** Kumtsu ye kumoe. Alhou no tungkuputsa lo tughashi ipi peithakeuye shiyeh lakhi lo yehpeka lakhi momu akukaqha lakhi lo ayehkipeu kiqitsu anike. Pa laghi lo pano peithanikeu pa w yehpeka kumla kichetsu anike. Ningu ghi hitoi kiqi momu kimighikeu ani. Russia pesu ava lakhi kiqitsu cheni, eno United States pesu alhuqu lakhi kiqitsu cheni. Titoi kutau kutauqo ghi kiqitsukeu shicheni. Hi tughashi pesu kimighitsukeu ye shipunhavekeu kumo momu phimogihumovekeu kumo, ikemu tipauye tughashi momu lhoux kimihilo kiche piyetsukeuke. Johan Baptist no Khristo pesu Bheriti kimighitsu **(Johan 1:29)** Titoi akhopeu Johan ghi kimighitsuke **(Piyekusu 5:6, 9, 12, 13)**. Titoi Alhou no tughashi pesu shiyeh eno tipau lo sakiphehi kimighitsu anike. Aghungu lo kumla akivi eno akusa kimighipe ningu lau atsape tsu anike.

**Hilehi okukumsu eno injuakeu pitsulou**



15



16



17



18



19



20



21



22



23



24



25



26



27

## Akiphi kichekutsu hipau ghi akiphi 27 gholo lakhike.

Akiphi kumtsu lo akumzapu kuchouqo no chhitoi ani, hipauno no eno no kibolomiqo kuxu pekiliwetsukulupu anike. Akiphi lakhimu vezuve kevalo.

- Akiphi kichekutsu 15:** Khiuno Khristo ghumikea?
- Akiphi kichekutsu 16:** Aqha lono kungumi tsapeqo
- Akiphi kichekutsu 17:** Alhou no akupughuqo shi
- Akiphi kichekutsu 18:** Ado achipi lono! Tungkupu sukusu piyetsu
- Akiphi kichekutsu 19:** Ashekhau kughathabenikeu
- Akiphi kichekutsu 20:** Tughashi michipu
- Akiphi kichekutsu 21:** Baibel Tungkuputsa lo USA
- Akiphi kichekutsu 22:** "Totimi" kutau lakhi
- Akiphi kichekutsu 23:** Khristo nipu-kulaliu
- Akiphi kichekutsu 24:** Alhou ye ayepukighithimi eno akuka kutau pe akemiyo lau muzusutsu keshea?
- Akiphi kichekutsu 25:** Ningu ye Alhou shou pukhu anima?
- Akiphi kichekutsu 26:** Kikimiye huno pekiliwetsu
- Akiphi kichekutsu 27:** Ide ighima

Noye niu Akiphi Kichekutsu-u 14 ithuluvama? Ithulu mono aghi aye, akiyeh tsulo:  
Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishekha mphu zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikihi parentheses lo piyepuakeu (1) no khokichile achipiu ke.**

**Form tipau pichivenikeu ghenguno kimiye pu “Adobe Reader” peithalo.**

**1) Danel 7 lo tughashiqo kimighitsu akeye ayeghi lo kukaqha khipaqo zuqhusitsu anikea? (4)**

Sweden  
Egypt  
Greece  
China  
Medo-Persia  
Japan  
Babylon  
Irag  
Rommi

**2) Atsazo bidi akeulo, tungkupu tsa kiqi pesu picchi lo. Atsa lothi lakhi pesu atsa phivilo picchi tsulo. (kichekipiye julo): (4)**

**A** Kutsakungokeu **B** ampe **C** shiyeh  
**D** timiqo **E** akumthu,

**Kichekipiye:** Tughashi pesu akukaqha momu **C** kiqitsu ani

Azu pesu                      kiqitsu ani  
Achishibo pesu                      kiqitsu ani  
Amulhu pesu kichighi mutokeu eno kiqitsu ani  
Tungkuputsa lo atsala lakhi pesu lakhi kiqitsu ani

**3) Tughashi Raigos kutsu shou akibo 10 pesu (1)**

Ampe 10 kiqitsu ani  
Akhoto phughi 10 kiqitsu ani  
Kungumiyo kimighitsu ani  
Akuakini kiqitsu ani  
Alhou kumthami Rommi kukaqha kijetha ipeghivekeu kiqi tsu ani.

**4) Akibo aghulou kukano alagha momu shiyeh khijehi akuhu lono nhuvekea? (1)**

Tache                      Tsugho  
Lakhi                      Kuthu

**5) Akibo aghulo kuka momu Khristo ghumi khiu kimighi tsukea? (1)**

Babylon lo general lakhi kimighitsu  
Alhou kumthami Rommi ghulokilo alhokusa kukau lakhi kimighitsu  
Jisu no ide ighiveke thi u alhokusa kuka lakhi ipeghinikeu kimighitsu  
Atheism-Alhou kupulu kumomi  
Pope w hiyam kimighitsu

**6) Hi aqhou Yekikithi puakeu lo akibo aghulou (Khristo ghumi kuka amichi shitsulo) (3)**

Hipau ye Egypt lono ipeghi  
Hipau no Alhou wu timiqo shikimighi nani  
Hipau ye Babylon ikiqive kemtsa paikha ithughive  
Hipau no Alhou kutha tsa kijeje piqhi  
Hipau no Alhou yehza pekilivetsui

**7) Tungkuputsa lo ado, adoqo, eno ado tuxa ipi akeu ye (1)**

Atsala kuthu tuxa kiqitsuke  
Ampe 42 kiqi tsuke  
Ampe 1,260 kiqi tsuke

**8) Ashekha ghuloki ye kughouno huthuveakea? (1)**

AD. 31 lono  
AD. 1991 lono  
AD. 538 lono  
AD. 1798 lono

9) **Khristo ghumi ye timi luthu lakhi kumono aqo ahoke (1)**

Iye Moe

10) **Khristo ghumi ye ishi ghi aphi (1)**

Iye Moe

11) **Kuchou kumlla hu ayehza tsughasuno anguka shinikeu Alhou no pulozah tsuveakeshea? (1)**

Iye Moe

12) **General Berthier no pope kughaluve keuye pope wu hiyam ghuzavekeu lakhike. Hipau ghuza zaku ye viluvea eno ishikutolo shipivi aphi (1)**

Iye Moe

13) **Hi aqhou Yekikithi puakeu lo kiuno ashekha tsalaqolo Alhou timiqo aghungu lo xapheLukepu shinanikea? (1)**

Kutsunikeu shikaLuku lono

Aqo gholono kumzapushi inikhukeu lono Achine kukutsuqo kumtsu pesu Baibel sasu kimighiukeu lono

14) **Ighono kushokutsupu lakhi shi aghie pinamu Jisu no khile sasu wunikeno papeni ipi noye pulo anima?**

Iye Moe

**Kungu inju puakeqo achipilo khochile tsulo!**



**Tilehi kihisuvani kehenguno oje, email eno thepiu kikihi sulou.**

Owu akiphi kichekutsu KUMUSA no ithuluni kehenguno "Sulou" lo inalo.

|                            |                        |                  |                      |
|----------------------------|------------------------|------------------|----------------------|
| <b>Oje :</b>               | <input type="text"/>   |                  |                      |
| <b>Owu Email :</b>         | <input type="text"/>   |                  |                      |
| <b>Thepiu kikihi :</b>     | <input type="text"/>   |                  |                      |
| <b>Okungo-a :</b>          | <input type="text"/>   |                  |                      |
| <b>Aphugui, District :</b> | <b>State :</b>         | <b>Aghaqhu :</b> | <input type="text"/> |
| <b>Pin :</b>               | <b>Apunu mpe amqo:</b> | <b>Gender :</b>  | <input type="text"/> |

Anile shi no kusutsa nikeu tipau tsulou